



Broj: 07-04-18-24243/17
Sarajevo, 14.11.2017. godine

KANTON SARAJEVO
Služba za skupštinske poslove
Skupštine Kantona Sarajevo

Predmet: Odgovor na zastupničko pitanje zastupnice Segmedine Bajramović Srna

Zastupnica Segmedina Bajramović Srna, na 32. Radnoj sjednici Skupštine Kantona Sarajevo, održanoj 02.10.2017. godine, u okviru tačke Dnevnog reda "Zastupnička pitanja, inicijative i odgovori", pokrenula je zastupničku inicijativu prema Ministarstvu privrede Kantona Sarajevo i Vladi Kantona Sarajevo za dostavljanje informacija vezano za Ugovore o koncesijama na području Kantona Sarajevo.

ODGOVOR:

Članom 28. stav (3) Zakona o koncesijama ("Službene novine Kantona Sarajevo" broj 27/11 i 15/13) propisano je sljedeće: "Registrom koncesija garantuje se dostupnost javnosti podataka. Javnim podacima smatraju se: naziv davaoca koncesije, matični broj davaoca koncesije, datum početka ostvarivanja koncesije, naziv (vrsta) koncesije i lokacija koncesije."

Prema izvještaju Kantonalne uprave za inspeksijske poslove za oktobar 2017. godine, na području Kantona Sarajevo radovi na eksploataciji mineralne sirovine obavljaju se: na lokalitetu "Rapailo", Općina Ilidža, na lokalitetu "Hadžići", Općina Hadžići i na lokalitetu "Duboki do", Općina Ilidža. Na lokalitetu "Vrela Čevljanovići", koncesionar nije izvršio sanaciju i rekultivaciju i protiv istog je sudskim putem zahtijevano da izvrši svoje obaveze. Na lokalitetima "Puhovik" i "Duboki do" na snazi su zaključeni ugovori o koncesiji za eksploataciju mineralne sirovine. Na lokalitetu "Rapailo" na snazi je ugovor o koncesiji za eksploataciju opekarske gline. Na lokalitetu "Rudnik Vinjage" istekao je ugovor o koncesiji na eksploataciju mineralne sirovine, privredno društvo kojem je izdato odobrenje za eksploataciju od strane Federalnog ministarstva energije, rudarstva i industrije i sa kojim je zaključen ugovor o koncesiji za eksploataciju mineralne sirovine još uvijek nije izvršilo sanaciju i rekultivaciju zemljišta zahvaćenog eksploatacijom mineralne sirovine. Na ovom lokalitetu koncesionaru je na zahtjev Kantona Sarajevo rješenjem Općinskog suda u Sarajevu zabranjen rad. Kamenolomi Zobov do i "Rijeka Rača Visojevići", Općina Ilijaš, koja imaju odobrenja za eksploataciju od FMERI-a i zaključen koncesioni ugovor, nisu izvršili sanaciju i rekultivaciju zemljišta zahvaćenog eksploatacijom mineralne sirovine, pa je od koncesionara sudskim putem zahtijevano da izvrše sanaciju i rekultivaciju. Zaključenim ugovorima o koncesiji (zaključenim u septembru 2010. godine) je ugovorena obaveza koncesionara da u roku od tri godine od prestanka eksploatacije mineralne sirovine izvrše rekultivaciju cjelokupnog eksploatacionog polja (dakle do 02.09.2018. godine). Pojedini predmetni lokaliteti su pogodni za dalju eksploataciju i na pojedinim lokalitetima privredna društva samoinicijativnim ponudama, zahtijevaju dodjelu koncesije, to jest nastavak eksploatacije nakon koje, odnosno u toku koje bi se vršila sanacija zemljišta. U skladu sa Zakonom o rudarstvu ("Službene novine Kantona Sarajevo", broj 29/12), rudarska inspekcija je nadležna za inspeksijski nadzor lokaliteta i privrednih društava koja vrše eksploataciju mineralne sirovine.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



S poštovanjem.



MINISTAR

[REDACTED]
Dr Muharem Šabić

Dostaviti:

1. Naslovu
2. Stručna služba Vlade KS
3. Evidencija
4. a/a



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Bosna i Hercegovina

Federacija BiH

Kanton Sarajevo

Skupština Kantona Sarajevo

32. radna sjednica

ZASTUPNIČKA INICIJATIVA

n/p predsjedavajuće, prof. Ana Babić

Kako je u skladu sa Zakonom o koncesijama KS, resorno ministarstvo, obavezno kontinuirano nadzirati rad koncesionara i izvršavanje njegovih obaveza iz ugovora o koncesiji, te redovno pratiti obim i količinu korištenja koncesionog prava tj. vršiti nadzor nad provođenjem Zakona o koncesijama KS i Ugovora o koncesiji, tražim da davalac koncesije (koncesor) Kanton Sarajevo – Vlada Kantona Sarajevo, dostavi pregled neizmirenih obaveza (o dužnicima i visini duga za uplatu koncesijske naknade) prema KS i Općinama u KS, po korisnicima koncesije – koncesionara, na dan 30.06.2017. godine.

Kako u skladu sa Zakonom o koncesijama KS, resorno ministarstvo, vrši nadzor nad provođenjem Zakona o koncesijama KS i Ugovora o koncesiji, tražim da resorno ministarstvo, putem nadležne inspekcije, izvrši nadzor i utvrdi, da li pravna lica (koncesionari) sa kojima je davalac koncesije (koncesor) Kanton Sarajevo – Vlada Kantona Sarajevo, imao potpisane Ugovore o koncesiji, a Ugovori o koncesiji sa koncesionarima su raskinuti ili su Ugovori o koncesiji prestali i dalje koriste prirodno bogatstvo, dobro u općoj upotrebi, tj. da li i dalje vrše eksploataciju unutar eksploatacionog polja, a bili su predmet koncesije na području KS i da li su koncesionari nakon prestanka Ugovora i završetka eksploatacionih radova, u skladu s uvjetima uređenja prostora i projektnog rješenja, na osnovi kojeg je odobreno izvođenje radova, izvršili sanaciju eksploatacionog polja i devastiranog zemljišta.

Tražim da resorno ministarstvo o rezultatima izvršenog nadzora obavjesti i Skupštinu KS.

Obrazloženje :

S obzirom da je cilj Zakona o koncesijama KS , da propiše transparentan, nediskriminatoran i jasan pravni okvir za utvrđivanje uslova pod kojima se pravnim ili fizičkim domaćim ili stranim licima registrovanim za obavljanje privredne djelatnosti, mogu dodjeljivati saglasnosti ili ne dodjeljivati saglasnosti za provođenje postupka za dodjelu koncesije i stimulisanje ulaganja domaćeg i stranog kapitala u oblastima utvrđenim Zakonom o koncesijama KS.

Također Zakonom o koncesijama predviđena je raspodjela prihoda od koncesije u omjeru Kanton 40%, a Općine 60% , a kako neizmirene koncesijske naknade prema Općinama , nisu iskazane u Izvještaju o izvršenoj reviziji finansijskih izvještaja Budžeta Kantona Sarajevo za 2015. godinu, time i podaci o neizmirenim koncesijskim naknadama prema Općini ilidža, nisu poznati.

Prijedlog inicijative je u potpunosti u skladu sa Ustavom KS, gdje je navedeno da je Kanton u okviru samoupravnog djelokruga, dužan i nadležan da upravlja imovinom KS i vodi brigu o prirodnim i turističkim resursima KS (poljoprivredno zemljište, šume, vode, divljač i sl.).

Također, prijedlog inicijative je u potpunosti u skladu sa Zakonom o slobodi pristupa informacijama u Federaciji BiH i jasno je da ove informacije, pod kontrolom javnog organa, predstavljaju značajno javno dobro i da javni pristup informacijama potiče veću transparentnost i odgovornost javnih organa, što je neophodno za demokratske procese i u skladu je sa načelom, da javni organi imaju odgovarajuću obavezu da saopšte te informacije.

Sarajevo, 02.10.2017.

Segmedina Srna Bajramović

